

四庫全書

集部

欽定四庫全書

石倉歷代詩選卷十三

明 曹學佺 編

古逸歌謠

皇娥歌

天清地曠浩茫茫萬象廻薄化無方洽天蕩蕩望滄滄
乘桴輕漾著日傍當期何所至窮桑心知和樂悅未央

白帝子歌

四維八埏眇難極驅光逐影窮水域璇宮夜靜當軒織
桐峯文梓千尋直伐梓作器成琴瑟清歌流暢樂難極
滄渭海浦來棲息

箕山歌

陟彼箕山兮瞻望天下山川麗崎萬物還普日月運照
靡不記睹遊放其間何所却慮歎彼唐堯獨自愁苦勞
心九州憂勤后土謂予欽明傳禪易祖我樂何如蓋不
盼顧河水流兮緣高山甘瓜施兮葉綿蠻高林肅兮相

錯連居此之處傲堯君

塗山歌

綏綏白狐九尾龐龐我家嘉夷來賓為王成子室家我
都攸昌天人之際於茲則行明矣哉

採薇歌

登彼西山兮採其薇矣以暴易暴兮不知其非矣神農
虞夏忽焉沒兮我安適歸矣吁嗟徂兮命之衰矣

去魯歌

彼婦之口可以出走彼婦之謁可以死敗蓋優哉游哉
維以卒歲

臨河歌

狄水行兮風揚波舟楫顛倒更相加歸來歸來胡為斯

蟪蛄歌

違山十里蟪蛄之聲猶尚在耳

黃鵠歌

悲夫黃鵠之早寡兮七年不雙宛頸獨宿兮不與衆同

夜半悲鳴兮想其故雄天命早寡兮獨宿何傷寡婦念
此兮泣下數行嗚呼哀哉死者不可忘飛鳥尚然兮况
於貞良雖有賢雄兮終不同行

澤門之誓謳

澤門之誓實興我役邑中之黔實慰我心

飯牛歌

南山研白石爛生不逢堯與舜禪短布單衣適至骨從
昏飯牛薄夜半長夜漫漫何時旦

滄浪之水白石粲中有鯉魚長尺半弊布單衣裁至骭
清朝飯牛至夜半黃犢上坂且休息吾將捨汝相齊國
出東門兮厲石班上有松柏青且闌麤布衣兮繆縷時
不遇兮堯舜主牛兮努力食細草大臣在爾側吾當與
爾適楚國

彈鋏歌

長鋏歸來乎食無魚 長鋏歸來乎出無車 長鋏歸
來乎無以為家

狐裘歌

狐裘尨茸一國三公吾誰適從

暇豫歌

暇豫之吾吾不如鳥鳥人皆集於莞已獨集於枯

河激歌

升彼河兮而觀清水揚波兮冒冥冥禱求福兮醉不醒
誅將加兮妾心驚罰既釋兮瀆乃清妾持楫兮操共維
蛟龍助兮主將歸呼來櫂兮行勿疑

王子思歸歌

洞庭兮木秋
涔陽兮草衰
去千乘之家國作咸陽之布
衣

紫玉歌

南山有鳥北山張
羅意欲從君讒
言孔多悲結成疹
疾命黃壚命之不造
寃如之何羽族之長
名為鳳凰一日失雄
三年感傷雖有衆鳥
不為匹雙故見鄙姿
逢君輝光身遠心近
何曾暫忘

徐人歌

延陵季子兮不忘故脫千金之劍兮帶丘墓

越人歌

今夕何夕兮搴洲中流今日何日兮得與王子同舟蒙
羞被好兮不訾詬恥心幾煩而不絕兮得知王子山有
木兮木有枝心說君兮君不知

越謠歌

君乘車我帶笠他日相逢下車揖君擔笠我跨馬他日

相逢為君下

若何歌

嘗膽不苦味若飴今我采葛以作絲

渡易水歌

風蕭蕭兮易水寒壯士一去兮不復還

秦始皇時民歌

生男慎莫舉生女哺用脯不見長城下尸骸相支柱

巴搖歌

神仙得者茅初成駕龍上昇入太清時下玄洲戲赤城
繼世而往在我盈帝若學之臘嘉平

黃澤謠

黃之池其馬歛沙皇人威儀黃之澤其馬歛玉皇人愛
穀

白雲謠

予歸東土和治諸夏萬民平均吾顧見女比及三年將
復而野

吳夫差時童謡

梧宮秋吳王愁

三秦記民謡

武功太白去天三百孤雲兩角去天一握山水險阻黃

金子午蛇盤烏龍勢與天通

別鶴操

將乖比翼兮隔天端山川悠遠兮路漫漫攬衣不寐兮

食忘餐

龜山操

予欲望魯兮龜山蔽之手無斧柯奈龜山何

水仙操

繄洞渭兮流澌濩舟楫逝兮仙不還移形素兮蓬萊山
駁欽傷宮仙石還

偕隱歌

天下有道我黻子佩天下無道我負子戴

鼓琴歌

美人熒熒兮顏若苕之榮命乎命乎曾無我羸

琴歌二首

百里奚五羊皮憶別時烹伏雌炊扊扅今日富貴忘我為

百里奚初娶我時五羊皮臨當相別時烹乳雞今適富貴忘我為

琴歌

樂莫樂兮新相知悲莫悲兮生別離

書車

自致者急載人者緩取欲無度自致而反

書鋒

忍之須臾乃全汝軀

書井

原泉滑滑連旱則絕取事有常賦斂有節

衣銘

桑蠶苦女工難得新捐故後必寒

鏡銘

以鏡自照見形容以人自照見吉凶

鼎銘

一命而僂再命而僪三命而俯循牆而走亦莫余敢侮
饋于是粥于是以糊余口

堯戒

戰戰慄慄日謹一日人莫躡于山而躡于垤

伊耆氏蜡辭

土反其宅水歸其壑昆蟲毋作草木歸其澤

田者祝

甌窶滿篳汚邪滿車五穀蕃熟穰穰滿家

蠶叢詩

川崖惟平其稼多黍旨酒嘉穀可以養父野惟阜丘彼稷多有嘉穀旨酒可以養母

其二

惟月孟春獺祭彼崖永言孝思享祀孔嘉彼黍既潔彼

儀既澤蒸命良辰祖考來格

其三

日月明明亦惟其名誰能長生不朽難獲

其四

惟德實寶富貴何常我思古人今問今望

驪駒

驪駒在門僕夫具存驪駒在路僕夫整駕

白水

浩浩白水儻儻之魚君來召我我將安居國家未立從
我焉如

逸詩

翹翹車乘招我以弓豈不欲往畏我友朋

我無所監夏后及商用亂之故民卒流亡

俟河之清人壽幾何兆云詢多職競作羅

雖有絲麻無棄菅蒯雖有姬姜無棄蕉萃凡百君子莫

不代匱

周道挺挺我心局局講事不令集人來定

列子

良弓之子必先為箕良冶之子必先為裘

國語

黍稷無成不能為榮黍不為黍不能蕃臚稷不為稷不能蕃殖所生不疑惟德之基

列子

人不婚宦情欲失半人不衣食君臣道息

魯連子

心誠憐白髮玄情不怡艷色媸

史記

蓬生麻中不扶自直白沙在泥與之皆黑

積羽沈舟羣輕折軸衆口鑠金積毀銷骨

劉向別錄引古語

唇亡而齒寒河水崩其壞在山

列女傳引古語

力田不如遇豐年力桑不如見國鄉刺繡文不如倚市門

詩疏

問婦人欲買赭不謂竈下有黃土欲買釵不謂山中自有楳

易緯引古語

一夫兩心拔刺不深

四民月令引農語

三月昏參星夕杏花盛桑葉白

河射角堪夜作犁星沒水生骨

月令注引里語

蜻蛉鳴衣裘成蟋蟀鳴懶婦驚

樂府

行胡從何方列國持何來趯趯鼈鼈五木香迷迭艾蘂
及都梁

淮南民歌

一尺布尚可縫一斗粟尚可春兄弟二人不相容

衛皇后歌

生男無喜生女無怒獨不見衛子夫霸天下

鄭白渠歌

田於何所池陽谷口鄭國在前白渠起後舉鎬如雲決
渠為雨涇水一石其泥數斗且溉且糞長我禾黍衣食
京師億萬之口

匡衡歌

無說詩匡鼎來匡說詩解人顧

牢石歌

牢邪石邪五鹿客邪印何纍纍綬若若邪

五侯歌

五侯初起曲陽最怒壞決高都連竟外杜土山漸臺西

白虎

鮑司隸歌

鮑氏驄三人司隸再入公馬雖瘦行步工

通博南歌

漢德廣開不賓度博南越蘭津度蘭倉為他人

黎陽令張公頌

公與守相駕輦魚往來倏忽遠烹慰此屯民寧厥苦

范史雲歌

甌中生塵范史雲釜中生魚范菜蕪

匈奴歌

失我焉支山令我婦女無顏色失我祁連山使我六蓄

不蕃息

成帝時歌謠

邪徑敗良田
讒口亂善人
桂樹華不實
黃爵巢其顛
昔為人所羨
今為人所憐

鴻隙陂童謠

壞陂誰翟子
威飯我豆食
羹芋魁反乎
覆陂當復誰
云者兩黃鵠

更始時南陽童謠

諧不諧在赤眉得不得在河北

後漢時蜀中童謠

黃牛白腹五銖當復

城中謠

城中好高髻四方高一尺城中好廣眉四方且半額城
中好大袖四方全匹帛

順帝末京都童謠

直如弦死道邊曲如鈎反封侯

桓帝初小麥童謠

小麥青青大麥枯誰當穫者婦與姑丈夫何在西擊胡
吏買馬君具車請為諸君鼓鼈胡

城上烏童謠

城上烏尾畢逋公為吏子為徒一徒死百乘車車班班入
河間河間姹女工數錢以錢為室金為堂石上慊慊春
黃梁梁下有懸鼓我欲擊之丞相怒

桓靈時童謠

舉秀才不知書察孝廉父別居

二郡謠

汝南太守范孟博南陽宗資主畫諾南陽太守岑公孝
弘農成瑨但坐嘯

獻帝初童謠

燕南垂趙北際中央不合大如礪惟有此中可避世

楚人謠

得黃金百不如得季布諾

紫宮謗

一雌復一雄雙飛入紫宮

崔寔引里語

州郡記如霹靂得詔書但挂壁

太常妻

居世不諧為太常妻一歲三百六十日三百五十九日
齋一日不齋醉如泥既作事復低迷

縫掖

徒見二千石不如一縫掖

繆文雅

素車白馬繆文雅

王君公

避世墻東王君公

五門

苑中三公館下二卿五門囁囁但聞豚聲

行者歌

青槐夾道多塵埃龍樓鳳闕望崔嵬清風細雨雜香來
土上出金火照臺



石倉歴代詩選卷十三

欽定四庫全書

集部

石倉歷代詩選卷十四至十九

詳校官庶吉士臣范達恩
侍讀臣孫琰覆勘

總校官進士臣朱鈴

校對官助教臣卜維吉

謄錄監生臣周光顯

欽定四庫全書

石倉歷代詩選卷十四

明 曹學佺 編

初唐一

太宗皇帝

帝京篇九首

秦川雄帝宅
函谷壯皇居
綺殿千尋起
離宮百雉餘連
甍遙接漢飛觀
迥凌虛雲日
隱層闕風烟出
綺疏

巖廊罷機務崇文聊駐輦玉匣啓龍圖金繩披鳳篆韋
編斷仍續縹帙舒還卷對此乃淹留欹案觀墳典

移步出詞林停輿欣武宴彌弓寫明月駿馬疑流電驚
雁落虛弦啼猿悲急箭閱賞誠多美於茲乃忘倦

鳴笳臨樂館眺聽歡芳節急管韻朱絃清歌凝白雪彩
鳳肅來儀玄鶴紛成列去茲鄭衛聲雅音方可悅

芳辰追逸趣禁苑信多奇橋形通漢上峰勢接雲危烟
霞交隱映花鳥自參差何如肆轍跡萬里賞瑤池

飛蓋去芳園蘭橈遊翠渚萍間日彩亂荷處香風舉桂楫滿中川絃歌振長嶼豈必汾河曲方為歡宴所

落日雙闕昏迴輿九重暮長烟散初碧皎月澄輕素寥幌翫琴書開軒引雲霧斜漢耿層閣清風搖玉樹

歡樂難再逢芳辰良可惜玉酒泛雲罍蘭肴陳綺席千鐘合堯禹百獸諧金石得志重寸陰忘懷輕尺璧

建章歡賞夕二八盡妖妍羅綺昭陽殿芬芳璵瑁筵珮移星正動扇掩月初圓無勞上玄圃即此對神仙

飲馬長城窟行

塞外悲風切交河冰已結瀚海百重波陰山千里雪迴
戍危烽火層巒引高節悠悠卷旆旌飲馬出長城塞沙
連騎跡朔吹斷邊聲胡塵清玉塞羌笛韻金鉦絕漠干
戈戢車徒振原隰都尉反龍堆將軍旋馬邑揚麾氛霧
靜紀石功名立荒裔一戎衣靈臺凱歌入

軌契靜三邊

軌契靜三邊持衡臨萬姓玉彩輝關燭金華流日鏡無

為宇宙清有美璇璣正皎珮星連景飄衣雲結慶戢武
榮七德昇文輝九功烟波澄舊碧塵火息前紅霜野韜
蓮劍關城罷月弓錢綴榆天合城崩柳塞空花銷慈嶺
雪縠盡流沙霧秋駕轉兢懷春冰彌軫慮書絕龍庭羽
烽休鳳穴戍衣宵寢二難食旰餐三懼翦暴興先廢除
兇存昔亡圓蓋歸天壤方輿入地荒乳海池京邑雙河
沼帝鄉循躬思勵已撫俗愧時康元首佇鹽梅股肱惟
輔弼羽賢崆嶺四翼聖襄城七澆俗庶反淳替文聊就

質已知隆至道共歡區宇一

經破薛舉戰地

昔年懷壯氣提戈初仗節心隨朗日高志與秋霜潔移
鋒驚電起轉戰長河決營碎落星沈陣卷橫雲裂一揮
氣沴靜再舉鯨鯢滅於茲俯舊原屬目駐華軒沈沙無
故迹滅竈有殘痕浪霞穿水淨峰霧抱蓮昏世途亟流
易人事殊今昔長想眺前蹤撫躬聊自適

遼城望月

亥兔月初明澄輝照遼碣映雲光暫隱隔樹花如綵魄
滿桂枝圓輪虧鏡彩缺臨城却影散帶暈重圍結駐蹕
俯九都停觀妖氛滅

入潼關

崤函稱地險襟帶壯兩京霜峰直臨道冰河曲繞城古
木參差影寒猿斷續聲冠蓋往來合風塵朝夕驚高談
先馬度偽曉預雞鳴乘繻懷遠志封泥負壯情別有真
人氣安知名不名

於北平作

翠野駐戎軒
盧龍轉征旆
遙山麗如綺
長流繁似帶
海氣百重
樓巖松千丈
蓋茲焉可遊
賞何必襄城外

過舊宅

新豐停翠輦
譙邑駐鳴笳
園荒一逕斷
苔古半階斜
前池消舊水
昔樹發今花
一朝辭此地
四海遂為家

臨洛水

春蒐馳駿骨
總轡俯長河
霞處流紫錦
風前漾卷羅

花翻照樹堤蘭倒挿波
必汾陰曲秋雲發棹歌

望終南山

重巒俯渭水碧嶂挿遙天
出紅扶嶺日入翠貯巖煙疊
松朝若夜復岫闕疑全對
此恬千慮無勞訪九仙

首春

寒隨窮律變春逐鳥聲開
初風飄帶柳晚雪間花梅碧
林青舊竹綠沿翠新苔芝田
初雁去綺樹巧鶯來

初晴落景

晚霞聊自怡初晴彌可喜日晃百花色風動千林翠池
魚躍不同園鳥聲還異寄言博通者知予物外志

度秋

夏律昨留灰秋箭今移晷峨嵋岫初出洞庭波漸起桂
白發幽巖菊黃開灞渼運流方可歎含毫屬微理

儀鸞殿早秋

寒驚薊門葉秋發小山枝松陰背日轉竹影避風移提
壺菊花岸高興芙蓉池欲知涼氣早巢空燕不窺

詠風

蕭條起關塞
搖颶下蓬瀛
拂林花亂彩
響谷鳥分聲
披雲羅影散
泛水織文生
勞歌大風曲
威加四海清

詠雨

罩雲飄遠岫
噴雨泛長河
低飛昏嶺腹
斜足灑巖阿
汎叢珠締葉
起澑鏡圖波
濛柳添絲密
含吹織空羅

賦得浮橋

岸曲非千里
橋斜異七星
暫低逢輦度
還高值浪驚
水

搖文鷁動纜轉錦花繁遠近隨輪影輕重應人行

詠興國寺佛殿前幡

拂霞疑電落騰虛狀寫虹屈伸煙霧裏低舉白雲中紛
披乍依迴掣曳或隨風念茲輕薄質無翅強搖空

秋日翠微宮

秋光凝翠嶺涼吹肅離宮荷疎一蓋缺樹冷半帷空側
陣移鴻影圓花釘菊叢撫懷俗塵外高眺白雲中

秋日

菊散金風起荷疎玉露圓
將秋數行雁離夏幾林蟬雲
凝愁半嶺霞碎纈高天還似成都望直見峨眉前

望雪

凍雲宵徧嶺素雪曉凝華入牖千重碎迎風一半斜不
妝空散粉無樹獨飄花繁空慚夕照破彩謝晨霞

守歲

暮景斜芳殿年華麗綺宮寒辭去冬雪暖帶入春風階
馥舒梅素盤花卷燭紅共歡新故歲迎送一宵中

除夜

歲陰窮暮紀獻節啓新芳冬盡今宵促年開明日長冰
消出鏡水梅散入風香對此歡終宴傾壺待曙光

詠雨

和風吹綠野梅雨灑芳田新流添舊澗宿霧足朝煙雁
濕行無次花靄色更鮮對此歡登歲披襟弄五絃

三層閣上置音聲

綺筵移暮景紫閣引宵煙隔棟歌塵合分階舞影連聲

流三處管響亂一重絃不似秦樓上吹簫空學仙

賦得花庭霧

蘭氣已薰宮新禁半妝叢色含輕重霧香引去來風拂
樹濃舒碧縈花薄散紅還當雜行雨髡鬚隱遙空

春池柳

年柳變池臺隋堤曲直迴逐浪絲陰去迎風帶影來疎
黃一鳥哢半翠幾眉開繁雪臨春岸參差間早梅

賦簾

參差垂玉闕舒卷映蘭宮珠光搖素月竹影亂清風彩
散銀鈎上文斜桂戶中惟當雜羅綺相與媚房櫳

正日臨朝

條風開獻節灰律動初陽百蠻奉遐賈萬國朝未央雖
無舜禹蹟幸欣天地康車軌同八表書文混四方赫奕
儼冠蓋紛綸盛服章羽旄飛馳道鐘鼓震巖廊組練輝
霞色霜戟耀朝光晨宵懷至理終愧撫遐荒

春日登陝州城樓俯眺原野迴丹碧綴煙霞密

翠班紅芳菲花柳即目川上聊以命篇

碧原開霧隰綺嶺峻霞城煙峰高下翠日浪淺深明班
紅妝蘂樹圓青壓溜荆迹巖勞傅想窺野訪草情巨川
何以濟舟楫佇時英

春日玄武門宴羣臣

韶光開令序淑氣動芳年駐輦華林側高宴栢梁前紫
庭文珮滿丹墀袞綬連九夷造瑤席五狄列瓊筵娛賓
歌湛露廣樂奏鈞天清樽浮綠醑雅曲韻朱絃粵余君

萬國還慙撫八埏庶幾保貞固虛已勵求賢

出獵

楚王雲夢澤漢帝長楊宮豈若因農暇閱武出轂嵩三
驅陳銳卒七萃列材雄寒野霜氣白平原燒火紅碉戈
夏服箭羽騎綠沈弓怖獸潛幽壑驚禽散翠空長煙晦
落景灌木振嚴風所為除民瘼非是悅林叢

春日望海

披襟眺滄海憑軾翫春芳積流橫地紀疏派引天潢仙

氣凝三嶺和風扇八荒拂潮雲布色穿浪日舒光照岸
花分彩迷雲雁斷行懷卑運深廣持滿守靈長有形非
易測無源詎可量洪濤經變野翠島屢成桑之塗思漢
帝碣石想秦皇霓裳非本意端拱且圖王

喜雪

碧昏朝合霧丹卷暝韜霞結葉繁雲色凝璫徧雪華光
樓皎若粉映幕集疑沙泛柳飛飛絮妝梅片片花照璧
臺圓月飄珠箔穿露瑤潔短長階玉聚高下樹映桐珪

累白縈峰蓮抱素斷續氣將沈徘徊歲云暮懷珍愧隱
德表瑞佇豐年藥間飛禁苑鶴處舞伊川儻詠幽蘭曲

同歡黃竹篇

秋日學庾信體

嶺銜宵月桂珠穿曉露叢蟬啼覺樹冷螢火不溫風花
生圓菊蘂荷盡戲魚通晨浦鳴飛雁夕渚集栖鴻颯颯
高天吹氣澄下熾空

謁并州興國寺

迴鑾遊福地極目翫芳晨梵鐘交二響法日轉雙輪寶
刹遙承露天花近足春未佩蘭猶小無絲柳尚新圓光
低月殿碎影亂風筠對此留餘想超然離俗塵

賦秋日懸清光賜房玄齡

秋露凝高掌朝光上翠微參差麗雙闕照耀滿重闈仙
馭隨輪轉靈鳥帶影飛臨波無定彩入隙有圓暉還當
葵藿志傾葉自相依

琵琶

半月無雙影全花有四時摧藏千里態掩仰幾重悲促
節縈紅袖青音滿翠帷駛彈風響急緩曲釧聲遲空餘
關隴恨因此代相思

宴中山

驅馬出遼陽萬里轉旆常對敵六奇舉臨戎八陣張斬
鯨澄碧海卷霧掃扶桑昔去蘭縈翠今來桂染芳雲枝
浮碎葉冰鏡上朝光回首長安道方歡宴栢梁

詠燭二首

焰聽風來動花開不待春鎮下千行淚非是為思人
九龍蟠焰動四照逐花生即此流高殿堪持待月明

詠弓

上弦明月半激箭流星遠落雁帶書驚啼猿映枝轉
賦得臨池柳

岸曲絲陰聚波移帶影疎還將眉裏翠來就鏡中舒

詠小山

近谷交繁藥遙峰對出蓮徑細無全磴松小未含煙

於太原召侍臣賜宴守歲

四時運灰琯一夕變冬春送寒餘雪盡迎歲早梅新

高宗皇帝

太子納妃太平公主出降

龍樓光曙景魯館啓朝扉艷日濃妝影低星降婺輝玉
庭浮瑞色銀榜藻祥徽雲轉花繁蓋霞飄葉綴旛雕軒
回翠陌寶駕歸丹殿鳴珠佩曉衣鏤璧輪開扇華冠列
綺筵蘭醑申芳宴環階鳳樂陳玳席珍羞薦蝶舞袖香

新歌分落素塵歡
凝歡慙慶叶慶初
姻暑闌炎氣息涼
早吹疎頻方期六合
泰共賞萬年春

七夕宴玄圃二首

羽蓋飛天漢
鳳駕越層巒
俱歎三秋阻
共叙一宵歡
璜虧夜月落
麝碎曉星殘
誰能重操杼
纖手濯清瀾
霓裳轉雲路
鳳駕凌天潢
虧星凋夜麝
殘月落朝璜
促歡今夕促
長離別後長
輕梭聊駐織
掩淚獨悲傷

過溫湯

溫渚停仙蹕 豊郊駐曉旌
路曲迴輪影 巍虛傳漏聲
暖溜驚湍駛 寒空碧霧輕
林黃疎葉下 野白曙霜明
眺聽良無已 煙霞斷續生

九月九日

端居臨玉扆 初律啓金商
鳳闕澄秋色 龍闈引夕涼
野靜山氣斂 林疎風露長
砌蘭虧半影 巖桂發全香
滿蓋荷凋翠 圓花菊散黃
揮鞭爭電烈 飛羽亂星光
柳空穿石碎 弦虛側月張
怯猿啼落岫 驚雁斷分行
斜輪低夕

景歸旆擁通莊

謁大慈恩寺

日宮開萬仞月殿聳千尋花蓋飛圓影幡虹曳曲陰霞
綺遙籠帳叢珠細網林寥廓煙雲表超然物外心

中宗皇帝

九月九日幸臨渭亭登高得秋字并序

陶潛盈把既浮九醞之歡畢卓持螯須盡一生之
興人題四韻同賦五言其最後成罰之引滿

九日正乘秋三杯興已周泛桂迎樽滿吹花向酒浮長
房更早熟彭澤菊初収何藉龍沙上方得恣淹留

登驪山高頂寓目

四郊秦漢國八水帝王都閨闥雄里閈城闕壯規模貫
渭稱天邑含岐寶奧區金門披玉館因此識皇圖

立春日遊苑迎春

神臯福地三秦邑玉臺金闕九仙家寒冰猶戀甘泉樹
淑景催臨建始花綵蝶黃鶯未欲舞梅香柳色已堪誇

迎春正啓流霞席暫囁曦輪勿遽斜

石倉歷代詩選卷十四

欽定四庫全書

石倉歷代詩選卷十五

明 曹學佺 編

初唐二

虞世南

字伯施
浙江餘人

從軍行

塗山烽候驚弭節度龍城冀馬樓蘭將燕犀上谷兵劒
寒花不落弓曉月逾明凜凜嚴霜節冰壯黃河絕轍日

卷征蓬浮天散飛雪全兵值月滿精騎乘膠折結髮早
驅馳辛苦事旌麾馬凍重關冷輪摧九折危獨有西山
將年年屬數奇

出塞

上將三略遠元戎九命尊綱懷古人節思酬明主恩山
西多勇氣塞北有遊魂揚桴上隴坂勒騎下平原誓將
絕沙漠悠然去玉門輕齋不遑舍驚策驚戎軒凜凜邊
風急蕭蕭征馬煩雪暗天山道冰塞交河源霧鋒點無

色霜旗凍不翻耿介倚長劒日落風塵昏

結客少年場行

韓魏多奇節倜儻遺聲利共矜然諾心各負從橫志結
交一言重相期千里至綠沈明月弦金絡浮雲轡吹簫
入吳市擊筑遊燕肆尋源博望侯結客遠相求少年懷
一顧長驅背隴頭談談戈霜動耿耿劒虹浮天山冬夏雪
交河南北流雲起龍沙暗木落雁門秋輕生殉知已非
是為身謀

怨歌行

紫殿秋風冷雕甍落日沈裁紈悽斷曲織素別離心披
庭羞改畫長門不惜金寵移恩稍薄情疎恨轉深香銷
翠羽帳弦斷鳳凰琴鏡前紅粉歇階上綠苔侵誰言掩
歌扇翻作白頭吟

門有車馬客

陳遵重交結田蚡擅豪華曲臺臨上路高軒抵狹斜赭
汗千金馬繡軸五香車白鶴隨飛蓋朱鷺入鳴笳夏蓮

開劒水春桃發綬花高談辯飛兔擣藻握靈蛇逢恩出
毛羽失路委泥沙

擬飲馬長城窟

馳馬渡河干流深馬渡難前逢錦車使都護在樓蘭輕
騎猶銜勒疑兵尚解鞍溫池下絕澗棧道接危巒拓地
勲未賞亡城律詎寬有月關猶暗經春隴尚寒雲昏無
復影冰合不聞湍懷君不可遇聊持報一飧

飛來雙白鶴

飛來雙白鶴奮翼遠凌煙俱棲集紫蓋一舉背青田颺
景過伊洛流聲入管絃鳴羣倒景外刷羽閭風前映海
疑浮雪拂澗瀉飛泉燕雀寧知去蜉蝣不識還何言別
儔侶從此間山川顧步已相失徘徊各自憐危心猶警
露哀響詎聞天無因振六翮輕舉復隨仙

賦得慎罰

帝圖光註冊上德表鴻名道冠二儀始風高三代英樂
和知化洽訟息表刑清罰輕猶在念勿喜尚留情明慎

全無枉哀矜在好生五疵過亦察二辟理彌精幪巾示
廉耻嘉石務詳平每削繁苛性常深惻隱誠政寬思濟
猛疑罪必從輕于張懲不濫陳郭憲無傾刑措諒斯在
歡然仰頌聲

奉和幽山雨後應令

肅城隣上苑黃山邇桂宮雨歇連峰翠煙閒竟野通排
虛翔戲鳥跨水落長虹日下林全暗雲收嶺半空山泉
鳴石澗地籟響巖風

賦得吳都

畫野通淮泗星躔應斗牛玉牒弘圖表黃旗美氣浮三分開霸業萬里宅神州高臺臨茂苑飛閣跨澄流江濤如素蓋海氣似朱樓吳趨自有樂還似鏡中遊

發營逢雨應詔

豫遊欣勝地皇澤乃先天油雲陰御道膏雨潤公田隴麥霑逾翠山花濕更然稼穡良所重方復悅豐年

賦得臨池竹應制

葱翠梢雲質垂彩映清池波泛含風影流搖防露枝龍鱗漾嶰谷鳳翅拂漣漪欲識凌冬性惟有歲寒知

侍宴應詔賦韻得前字

芬芳禁林晚容與挂舟前橫空一鳥度照水百花然綠野明斜日青山澹晚煙濫陪終宴賞握管類窺天

中婦織流黃

寒閨織素錦含怨斂雙蛾綜新交縷澀經脆斷絲多衣香逐舉袖釧動應鳴梭還恐裁縫罷無信達交河

奉和詠日午

高天淨秋色長漢轉羲車玉樹陰初正桐圭影未斜翠
蓋飛圓彩明鏡發輕花再中良表瑞共仰璧暉賒

侍宴歸雁堂

歌堂面淥水舞館接金塘竹開霜後翠梅動雪前香鳬
歸初命侶雁起欲分行刷羽同棲集懷恩愧稻粱

初晴應教

初日明燕館新溜滿梁池歸雲半入嶺殘滴尚懸枝

春夜

春苑月徘徊竹堂侵夜開驚鳥排林度風花隔水來

詠螢

的歷流光小飄颻弱翅輕恐畏無人識獨自暗中明

詠蟬

垂綆飲清露流響出疎桐居高聲自遠非是藉秋風

秋雁

日暮霜風急羽翮轉難任為有傳書意聯翩入上林

褚亮字希明，浙江錢塘人。

賦得蜀都

列宿光參井分芒跨梁岷沈犀對江浦駟馬入城闈英圖多霸跡歷逸有名臣連騎簪纓滿含章詞賦新得上仙槎路無待訪嚴遵

奉和詠日午

曦車日亭午浮箭未移暉日光無落照樹影正中園草萎看稍靡葉燥望疑稀晝寢慙經笥暫解入朝衣

奉和望月應魏王教

層軒登皎月流照滿中天色共染珠遠光隨趙璧圓落影臨秋扇虛輪入夜弦所欣東館裏預奉西園篇

詠花燭

蘭逕香風滿梅梁暖日斜言是東方騎來尋南陌車駕星臨夜燭眉月隱輕紗莫言春稍晚自有鎮開花

在隴頭哭潘學士

隴底嗟長別流襟一慟君何言幽咽所更作死生分轉

蓬飛不息悲松斷更聞誰能駐征馬回首望孤墳

和御史韋大夫喜霽之作

晴天度旅雁斜影照殘虹野淨餘煙盡山明遠色同沙
平寒水落葉脆晚枝空白簡光朝幙彤駒出禁中息駕
遊蘭坂彫文折桂叢無因輕羽扇徒自仰仁風

晚別樂記室彥

窮途屬歲晚臨水忽分悲抱影同為客傷情共此時霧
色侵虛牖霜氣冷薄帷舉袂慘將別停杯悵不怡風嚴

征雁遠雪暗去蓬遲他鄉有岐路遊子欲何之

魏徵字玄成
鉅鹿人

暮秋言懷

首夏別京輔杪秋滯三河沈沈蓬萊閣日夕鄉思多霜
剪涼地蕙風捎幽渚荷歲芳坐淪歇感此式微歌

述懷

中原初逐鹿投筆事戎軒縱橫計不就慷慨志猶存杖
策謁天子驅馬出關門請纓繫南粵憑軾下東藩鬱紆

陟高岫出沒望平原古木鳴寒鳥空山啼夜猿既傷千里目還驚九折魂豈不憚艱險深懷國士恩季布無二諾侯羸重一言人生感意氣功名誰復論

顏師古

原名籀以字行雍州人

奉和正日臨朝

七政璿衡始三元寶厯新負辰延百辟垂旒御九賓肅肅皆鴛鷺濟濟盛簪紳天涯致重譯日域獻奇珍

陳叔達

字子聰長興人

早春桂林殿應詔

金鋪照春色玉律動年華朱樓雲似蓋丹桂雪如花水岸銜階轉風條出柳斜輕輿臨太液湛露酌流霞

後渚置酒

太渚初驚夜中流沸鼓鼙寒沙滿曲浦夕霧上耶溪岸廣鳬飛急雲深雁度低嚴闈猶未遂此夕待晨雞

聽隣人琵琶

本自龍門桐因妍入漢宮香緣羅袖裏聲逐朱絃中雖

有相思韻翻將入塞同關山臨却月花葉散迴風為將
金谷引添令曲未終

詠菊

霜間開紫蒂露下發金英但令逢採摘寧辭獨晚榮
杜淹字執禮

寄贈齊公

冠蓋遊染日詩書問志年佩蘭長坂上攀桂小山前結
交淡若水履道直如絃此觀終未極于茲獨播遷楮衣

登蜀道白首別秦川淚隨溝水逝心逐曉旌懸去去逾
千里悠悠隔九天郊野間長薄城闕隱凝煙關門共月
對山路與雲連此時寸心裏難用尺書傳

王珪

字叔介
太原人

詠淮陰侯

秦王日凶慝豪傑爭共亡信亦胡為者効歌從項梁項
羽不能用脫身歸漢王道契君臣合時來名位彰北討
燕承命東驅楚絕糧斬龍堰濉水擒豹潛夏陽功成享

天祿建旗還南昌
金千答漂母
錢百酬下鄉
吉凶成糾
纏倚伏難預詳
弓藏狡兔盡
慷慨念心傷

馬周

字賓王
清河人

凌朝浮江旅思

太清上初日
春水送孤舟
山遠疑無樹
潮平似不流
岸花開且落
江鳥沒還浮
羈望傷千里
長歌遣四愁

蕭翼

答僧辯才探得招字

邂逅欵良宵殷勤荷勝招彌天俄若舊初地豈成遙酒
蟻傾還汎心猿躁似調誰憐失羣翼長苦業風飄

孔紹安

山陰人
字未詳

賦得結客少年場

結客佩吳鈞橫行度隴頭雁在弓前落雲從陣後浮吳
師驚燧象燕將警奔牛轉蓬飛不息冰河結未流若使
三邊定當封萬戶侯

金匱四庫全書

卷十五

石倉歷代詩選卷十五

欽定四庫全書

石倉歷代詩選卷十六

明 曹學佺 編

初唐三

岑文本

字景仁
南陽人

奉和正日臨朝

時雍表昌運日正叶靈符德兼三代禮功包四海圖踰
沙紛在列執玉儼相趨清蹕喧輦道張樂駭天衢拂蜺

九旗映儀鳳八音殊佳氣浮仙掌薰風繞市梧天文光
七政皇恩被九區方陪瘞玉體珥筆岱山隅

安德山池宴集

甲第多清賞芳辰命羽卮書帷通竹徑琴臺枕槿籬池
疑夜壑徙山似鬱洲移雕楹網蘿薜激瀨合墳篠鳥戲
番新葉魚躍動清漪自得淹留起寧勞攀桂枝

于志寧

雍州人

冬日宴羣公于宅賦得杯字

陋巷朱軒擁衡門
緹騎來俱裁七步詠
同傾三雅杯色動
迎春柳發犯寒梅
賓筵半未醉驪歌不用催

令狐德棻
宜州人

冬日宴于庶子宅各賦一字得趣

高門聊命賞羣英
於此遇放曠山水
情留連文酒趣夕
煙起林蘭霜枝殞
庭樹落景雖已傾
歸軒幸能駐

鄭世翼

過嚴君平古井

嚴平本高尚遠蹈古人風賣卜成都市流名大漢中舊井改人世寒泉久不通年多既罷汲無禽乃遂空如何屬秋氣惟見落雙桐

巫山高

巫山凌太清峩峩類削成霏霏暮雨合靄靄朝雲生危峰入鳥道深谷瀉猿聲別有幽棲客淹留攀桂情

王宏

濟南人

從軍行

兒生三日掌上珠
燕領猿肱穠李膚
十五學劒北擊胡
羌歌燕筑送城隅
城隅路接伊川驛
河陽渡頭邯鄲陌
可憐年少把手時
黃鳥雙飛梨花白
秦王築城三千里
西自臨洮東遼水
山邊疊疊黑雲飛
海畔莓莓青草死
從來戰鬪不求勲
殺身為君君不聞
鳳凰樓上吹急管
落日裴徊腸先斷

王勣武德貞
觀間人

詠妓

妖姬飾靚妝
窈窕出蘭房
日照當軒影
風吹滿路香
早時歌扇薄
今日舞衫長
不應令曲誤持此試周郎

張文恭 貞觀時人

七夕

鳳律驚秋氣
龍梭靜夜機
星橋百枝動
雲路七香飛
映月迴雕扇
凌霞曳綺衣
含情向華幄
流態入重闌
歡餘夕漏盡
怨結曉驛歸
誰念分河漢
還憶兩心違

佳人照鏡

倦采蘿蕪葉貪憐照膽明兩邊俱拭淚一處有啼聲

董思恭

蘇州人

昭君怨二首

新年猶尚小那堪遠聘秦
裾衫沾馬汗眉黛染胡塵
舉眼無相識路逢皆異人
惟有梅將李猶帶故鄉春

琵琶馬上彈行路曲中難
漢月正南遠燕山極北寒
髻鬟風拂亂眉黛雪沾殘斟酌紅顏盡徒勞握鏡看

詠月

北堂未安寢西園聊騁望玉戶照羅幃珠軒明綺障別
客長安道思婦高樓上所願君莫違清風時可訪

詠風

蕭蕭度閭闔習習下庭闈花蝶自飄舞蘭蕙生光輝相
鳥正舉翼退鷗已驚飛方從列子御更逐浮雲歸

詠霧

蒼山寂已暮翠觀黯將沈終南晨豹隱巫峽夜猿吟天
寒氣不歇景晦色方深待訪公超市將予赴華陰

詠雪

天山飛雪度言是落花朝惜哉不我與蕭索從風飄鮮
潔凌紈素紛糅下枝條良時竟何在坐見容華銷

謝偃衛縣人

踏歌詞

逶迤度香閣顧步出蘭闈欲繞鴛鴦殿先過桃李蹊風
帶舒還卷簪花舉復低欲問今宵樂但聽歌聲齊

夜久星沈沒更深月影斜裙輕纔動珮鬟薄不勝花細

金少丘正言
卷十六
風吹寶袜輕露濕紅紗相看樂未已蘭燈照九華

褚遂良

錢塘人散騎常侍亮子

安德山池宴集

伏櫪丹霞外遮園煥景舒行雲泛層阜蔽月下清渠亭
中奏趙瑟席上舞燕裾花落春鶯晚風光夏葉初良朋
比蘭蕙雕藻邁瓊琚獨有狂歌客來承歡宴餘

李百藥

字重規定州人

渡漢江

東流既湧湧南紀信滔滔水激沈碑岸波駭弄珠臯含
星映淺石浮蓋下奔濤溜澗霞光近川長曉氣高檣鳥
轉輕翼戲鳥落風毛客心既多緒長歌且代勞

晚渡江津

寂寂江山晚蒼蒼原野暮秋氣懷易悲長波淼難泝索
索風葉下離離早鴻度丘壑列夕陰葭菼凝寒霧日落
亭皋遠獨此懷歸慕

王師渡漢水經襄陽

導漾疏源遠歸海會流長延波接荆夢通望邇沮漳高
岸沈碑影曲漱麗珠光雲昏翠島沒水廣素濤揚閼川
已多嘆遐睇幾增傷臨谿猶駐馬望峴欲沾裳喬木下
寒葉亭林落曉霜山公不可遇誰與訪高陽

登葉縣故城謁沈諸梁廟

總轡臨秋原登城望寒日煙霞共掩映林野俱蕭瑟楚
塞鬱不窮吳山高漸出客行殊未已沐澡期終吉椒桂
奠芳樽風雲下虛室館宇肅而靜神心康且逸伊我非

真龍勿驚疲朽質

安德山池宴集

朝宰論思暇高宴臨方塘雲飛鳳臺管風動令君香細
草開金埒流霞泛羽觴虹橋分水態鏡石引菱光上才
同振藻小伎謬連章懷音自蘭室徐步返山莊

和侍郎遊昆明池

神池望不極滄波接遠天儀星似河漢落景類虞泉年深
平館宇道泰偃戈船差池下鳬雁掩映生雲煙浪花開

已合風文直且連稅馬金堤外橫舟石岸前羽觴傾綠
蟻飛日落紅鮮積水浮深智明珠曜雅篇大鯨方遠擊
沈灰獨未然知君嘯儔侶短翮徒聯翩

妾薄命

團扇秋風起長門夜月明羞聞拊背入恨說舞腰輕太
常先已醉劉君恒帶醒橫陳每虛設吉夢竟何成

火鳳詞

歌聲扇後出妝影鏡中輕未能令掩笑何處欲障聲知

音自不惑得念是分明莫見雙頰斂疑人含笑情

奉和初春出遊應令

鳴笳出望苑飛蓋下芝田水光浮落照霞彩淡輕煙柳色迎三月梅花隔二年日斜歸騎動餘興滿山川

寄楊公

公子盛西京光華早著名分庭接遊士虛館待時英高閣浮香出長廊寶釧鳴面花無隔笑歌扇不障聲

戲贈潘徐城門迎兩新婦

秦晉稱舊匹潘徐有世親三星宿已會四德婉而嬪雲
光鬢裏薄月影扇中新年華與妝面共作一芳春

送別

眷言一杯酒悽愴起離憂夜花飄露氣暗水急還流雁
行遙上月蟲聲迴映秋明日河梁上誰與論仙舟

雨後

晚來風景麗晴初物色華薄雲向空盡輕虹逐望斜後
窗臨岸竹前階枕浦沙寂寥無與晤樽酒論風花

詠螢火示情人

窗裏憐燈暗
堦前畏月明
不辭逢露濕
祇為重宵行

春眺

疲疴荷拙患淪躡
合幽襟栖息在何處
丘中鳴素琴

許敬宗

字延族
杭州新城人

奉和初春登樓即目應詔

旭日臨重壁
天眷極中京
春暉發芳甸
佳氣滿層城
去鳥隨看沒
來雲逐望生歌
裏非煙颺琴上
凱風清文波

浮鏤檻摘景煥雕楹沫恩空改鬢將何謝夏成

奉和秋日即目應制

玉露交珠網金風度綺錢昆明秋景淡岐岫落霞然辭
燕歸寒海來鴻出遠天葉動羅帷颺花映繡衣鮮無機
絡秋緯如管奏寒蟬乃曉情何極宸襟豫有旃

奉和七夕宴玄圃應制

牛闔臨淺漢鸞駒涉秋河兩懷縈別緒一宿慶停梭星
模鉉裏靨月寫黛中蛾奈許今宵度長嬰離恨多

婺閨期今夕娥輪泛淺潢迎秋伴暮雨待暝合神光薦
寢低雲鬢呈態解霓裳喜中愁漏促別後怨天長

冬日宴于庶子宅各賦一字得歸

倦游嗟落拓短翮慕追飛周醪忽同醉牙絃乃共揮油
雲澹寒色落景靄霜霏累日方投分茲夕諒無歸

安德山池宴集

戚里歡娛地園林矚望新山庭帶芳杜歌吹叶陽春臺
榭疑巫峽荷渠似洛濱風花紫少女虹梁聚美人宴遊

窮至樂談笑畢良辰獨歎高陽晚歸路不知津

王績字無功
絳州人
文中子通弟也

古意

幽人在何所紫巖有仙躅月下橫寶琴此外將安欲材
抽嶧山榦微點崑丘玉漆抱蛟龍脣絲纏鳳凰足前彈
廣陵罷後以明光續百金買一聲千金傳一曲世無鍾
子期誰知心所屬

石竹詠

萋萋結綠枝，曠曠垂朱英。
常恐零露降，不得全其生。
歎息聊自思，此生豈我情。
昔我未生時，誰者令我萌棄置。
勿重陳委化，何足驚。

田家

阮籍生年懶，嵇康意氣疎。
相逢一醉飽，獨坐數行書。
小池聊養鶴，閒田且牧豬。
草生元亮徑，花暗子雲居。
倚牀看婦織，登壠課兒鋤。
迴頭尋仙事，併是一空虛。

野望

東臯薄暮望徙倚欲何依樹樹皆秋色山山惟落暉牧人驅犢返獵馬帶禽歸相顧無相識長歌懷采薇

九月九日

野人迷節候端坐隔塵埃忽見黃花吐方知素節回映巖千段發臨浦萬株開香氣徒盈把無人送酒來

策杖尋隱士

策杖尋隱士行行路漸賒石梁橫澗斷土室映山斜孝然縱有舍威輦遂無家置酒燒枯葉披書坐落花生垂

滋水釣舊結茂陵置歲歲長如此方知輕世華

贈學仙者

採藥層城遠尋師海路賒玉壺橫日月金闕斷煙霞仙人何處在道士未還家誰知彭澤意更覓步兵邪春釀煎松葉秋杯浸菊花相逢寧可醉定不學丹砂

黃頰山

別有青谿道斜亘碧巖隈崩槎橫古蔓荒石擁寒苔野心長寂寞山徑本幽迴步步攀藤上朝朝負藥來幾看

松葉秀頻值菊花開無人堪作伴歲晚獨悠哉

過酒家

洛陽無大宅長安乏主人黃金銷未盡祇為酒家貧

夜還東谿

石苔應可踐叢枝幸易攀青谿歸路直乘月夜歌還

嘗春酒

野觴浮鄭酌山酒漉陶巾但令千日醉何惜兩三春

秋夜喜遇王處士

北場芸藿罷東臯刈黍歸相逢秋月滿更值夜螢飛

上官儀

字游韶
陝州人

早春桂林殿應詔

步輦出披香清歌臨太液曉樹流鶯滿春堤芳草積風色翻露文雪華上空碧花蝶來未已山光曖將夕

八詠應制

入叢臺叢臺裏春露滴瀝間深紅參差散輕素妝蝶驚復聚黃鸝飛且顧攀折殊未已復值驚飛起送影舞衫

前飄香歌扇裏望望惜春暉行行猶未歸暫得佳遊趣
更愁花鳥稀且酣鳥聲調鳳管方移花影入鴛機

和太尉戲贈高陽公

薰爐御史出神仙雲鞍羽蓋下芝田紅塵正起浮橋路
青樓遙敞御溝前傾城比態芳菲節絕世相嬌二八年
慣是洛濱要解珮本自河間好數錢翠釵照曜銜雲髮
玉步逶迤動羅袜石榴絞帶輕花轉桃枝綠扇微風發
無情拂袂欲留賓詎恨深潭不可越天津一別九秋長

宣若隨聞三日香南國自然勝掌上東家復是憶王昌

王昭君

玉闌春色晚金河路幾千琴悲桂條上笛怨柳花前霧掩臨妝月風驚入鬢蟬緘書待迴使淚盡白雲天

詠雪應詔

禁園凝朔氣瑞雪掩晨曦花明棲鳳閣珠散影蛾池飄素迎歌上翻光向舞移幸因千里映還繞萬年枝

奉和山夜臨秋

殿帳清炎氣輦道含秋陰淒風移漢筑流水入虞琴雲
飛送斷雁月上淨疎林滴瀝露枝響空濛煙壑深

詠畫障

芳晨麗日桃花浦珠簾翠帳鳳凰樓蔡女菱歌移錦纓
燕姬春望上瓊鈎新妝漏影浮輕扇冶袖飄香入淺流
未減行雨荆臺下自比凌波洛浦遊

入朝洛堤步月

脈脈廣川流驅馬歷長洲鵠飛山月曙蟬噪野風秋

李義府

其先瀛州人
後家于永泰

招諭有懷贈同行人

遠遊冒艱阻深入勞存諭春去辭國門秋還在邊戍軒
車行未返節序催難駐陌上悲轉蓬園中想芳樹蜀山
自紛糾岷水恒奔注臨泛多苦懷登攀寡歡趣永夕飛
淫雨崇朝蒸毒霧不求綏嶺桃寧美邛鄉蒟臼狼行欲
靜馳馬何常驅願接輶旆塵聯翩東北驚

和邊城秋氣早

金微凝素節玉律應青葭邊馬秋聲急征鴻曉陣斜
樹凋涼葉塞草落寒花霧暗長川景雲昏大漠沙谿深
路難越川平望超忽極望斷煙飄遙落驚蓬沒霜結龍
城吹水照龜林月日色夏猶冷霜華春未歇睿作高紫
宸分明映玄闕

詠鸚鵡

牽弋辭重海觸網去層巒戢翼雕籠際延思彩霞端慕
侶朝聲切離羣夜影寒能言殊可貴相助憶長安

堂堂詞二首

鏤月成歌扇裁雲作舞衣自憐迴雪影好取洛川歸
懶整鴛鴦被羞褰玳瑁妝春風別有意密處也尋香

詠鳥

日裏颺朝彩琴中伴夜啼上林如許樹不借一枝栖
閻立本

巫山高

君不見巫山高高半天起絕壁千尋盡相似君不見巫

山磕匝翠屏開湘江碧水遶山來綠樹春嬌明月峽紅
花朝覆白雲臺臺上朝雲無定所此中窈窕神仙女仙
女盈盈仙骨飛清容出沒有光輝欲暮高唐行雨送今
宵定入荆王夢荆王夢裏愛穠華枕席初開紅帳遮可
憐欲曉啼猿處說道巫山是妾家

張文琮

貝州人後徙家魏州

同潘屯田冬日早朝

假寐懷古人夙興瞻曉月通晨禁門啓冠蓋趨朝謁霜

靄清九衢霞光照雙闕紛綸文物紀煥爛聲明發腰劒
動陸離鳴玉和清越

賦橋

造舟浮渭日鞭石表秦初星文遙瀉漢虹勢尚凌虛已
授文成履空題武騎書別有臨濠上棲偃獨觀魚

昭君怨

戒途飛萬里迴首望三秦忽見天山雪還疑上苑春玉
痕垂粉淚羅袂拂胡塵為得胡中曲還悲遠嫁人

和楊舍人詠中書省花樹

花萼映芳叢參差間早紅因風時落砌雜雨乍浮空影
照鳳池水香飄雞樹風豈不愛攀折希君懷袖中

石倉歷代詩選卷十六